



FIF - Raiffeisen Bank BiH (MREL Obveznica)

Zemlja:	BOSNA I HERCEGOVINA
Broj projekta:	57346
Poslovni sektor:	Banke
Vrsta objave:	PRIVATNA
Okolinska kategorija:	FI
Ciljani datum odobrenja:	19. maj 2026.
Status:	Odobren
Datum objave na engleskom jeziku:	U skladu sa stavom 2.6 Odjeljka III Politike pristupa informacijama, objavljivanje ovog PSD-a je odloženo u skladu sa stavom 1.4.4 Direktive o pristupu informacijama Prema odeljku 1.4.2 (iii) Direktive o pristupu informacijama: „Za projekte koje je odobrila uprava Banke, a gde je Odbor direktora delegirao ovlašćenje za odobravanje, PSD će se objaviti na početku odgovarajućeg perioda za obavještenja o tome da ne postoji prigovor državi članici Banke u skladu sa članom 13 (iii) Sporazuma o osnivanju EBRD.“

Opis projekta

Investicija do 30 miliona BAM (ekvivalentno 15,3 miliona EUR) u obveznice u lokalnoj valuti koje ispunjavaju uslove za Minimalni zahtjev za regulatorni kapital i prihvatljive obaveze („MREL“), putem direktne pogodbe, a koje izdaje Raiffeisen Bank d.d. BiH („RBBH“). Obveznice će biti ugovorno prihvatljive za ispunjavanje regulatornih zahtjeva RBBH-a u pogledu bail-in raspoloživog finansiranja te će imati rok dospijeca od 5 godina, uz period bez mogućnosti opoziva od 4 godine.

Ciljevi projekta

Projekt podržava otpornost lokalne banke pomažući RBBH-u u izgradnji diverzifikovane baze finansiranja za ispunjenje minimalnog zahtjeva za vlastita sredstva i prihvatljive obaveze. Projekt doprinosi proširenju kreditiranja privatnog sektora kroz linije za obrtna sredstva i investicione

kredite za mala i srednja preduzeća, uključujući preduzeća koja posluju u ekonomski manje razvijenim regijama zemlje. Dodatno, transakcija podržava strategiju rasta RBBH-a i obezbjeđuje izvor srednjoročnog finansiranja u lokalnoj valuti. Banka će nastojati alocirati do 3,8 miliona EUR sredstava na projekte prihvatljive za Zelenu tranziciju privrede (GET).

Uticaj na tranziciju

ETI 56

Projekt doprinosi ciljevima Financial Intermediaries Framework-a (FIF), dodržavajući tranzicione kvalitete Otpornosti i Konkurentnosti.

Podaci o klijentu

RAIFFEISEN BANK DD BOSNIA AND HERZEGOVINA

RBBH je univerzalna banka, sa sjedištem u Sarajevu, koja posluje kroz 84 poslovnice u BiH sa 1.382 zaposlenih. Banka je druga prema ukupnoj aktivi (12,8% tržišnog udjela), kreditnom portfelju (12,0% tržišnog udjela) i depozitima (12,8% tržišnog udjela) na kraju 2025.

Finansiranje EBRD-a

BAM 30,000,000.00

Ukupna vrijednost projekta

BAM 100,000,000.00

Dodata vrijednosti

Dodata vrijednost proizlazi iz strukture finansiranja na način da: (i) finansiranje EBRD-a učinkovito premošćuje finansijski jaz usljed nepovoljnih tržišnih uslova, (ii) EBRD nudi finansiranje koje nije dostupno na tržištu iz komercijalnih izvora pod razumnim uslovima i odredbama, (iii) EBRD nudi ročnost iznad tržišnog prosjeka, (iv) EBRD nudi iznos finansiranja koji popunjava jaz u tržišnom finansiranju i potreban je za strukturiranje projekta, i (v) EBRD nudi finansiranje u lokalnoj valuti pod uslovima koji nisu lako dostupni na tržištu. Nadalje, dodatna vrijednost Banke proizlazi iz inovativnih struktura finansiranja i/ili instrumenata, nudeći inovativnu strukturu finansiranja pod komercijalnim uslovima koji nisu dostupni kod drugih banaka.

Okolinski i socijalni sažetak

Kategorija FI (ESP 2024). Raiffeisen Bank BiH (RBBH) je postojeći klijent EBRD-a. Klijent trenutno ispunjava EBRD Okolišne i socijalne zahtjeve (ESR) 2, 4 i 9 u okviru postojećih izloženosti. Prihvatljivi pod-projekti će podržavati mikro, mala i srednja preduzeća (MSP) u BiH i vjerovatno će nositi nizak okolišni i socijalni (E&S) rizik. Glavni E&S rizici odnose se na kapacitet klijenta za implementaciju svog Sistema upravljanja okolišnim i socijalnim pitanjima (ESMS). E&S dubinska

analiza je provedena kroz pregled dostavljenog upitnika klijenta za 2025. godinu. RBBH posjeduje ESMS koji je ocijenjen kao adekvatan u odnosu na profil rizika prihvatljivih pod-projekata.

RBBH je usklađena s relevantnim međunarodnim okvirima, uključujući Načela za odgovorno bankarstvo i Načela UN Globalnog sporazuma, što odražava širu institucionalnu posvećenost E&S održivosti.

Očekuje se da RBBH održava svoj ESMS kako bi efikasno procjenjivala, upravljala i pratila E&S rizike i utjecaje, kao i politiku ljudskih resursa, interni mehanizam za pritužbe i procedure zaštite na radu, u skladu s EBRD-ovim ESR 2, 4 i 9 u okviru ESP (2024). To uključuje usklađenost s EBRD-ovom E&S Listom izuzeća i relevantnim smjernicama EBRD-a za finansijske institucije. Podzajmoprimci koje finansira klijent moraju se pridržavati važećih nacionalnih propisa u oblasti zaštite okoliša, socijalnih pitanja, zdravlja, sigurnosti i rada. RBBH će EBRD-u dostavljati godišnje E&S izvještaje, uključujući implementaciju ESMS-a, usklađenost s EBRD zahtjevima, rezultate provjere pod-projekata i sve značajne E&S incidente.

Ukoliko se sredstva EBRD-a koriste za projekte obnovljivih izvora energije, isti moraju ispunjavati EBRD kriterije prihvatljivosti za obnovljive izvore, kao i druge zahtjeve definisane u Izjavi o politici.

Ekološka procena

Usklađenost s Pariškim sporazumom – Projekt je ocijenjen kao usklađen s Pariškim sporazumom na osnovu primjene EBRD-ovog pristupa usklađenosti za indirektno finansirane investicije. Procjena usklađenosti zasniva se na primjeni stuba 1 (posvećenost klijenta Pariškom sporazumu) i stuba 2 (filter pod-transakcija).

Udio zelenog finansiranja – 25% EBRD finansiranja klasificirano je kao zeleno finansiranje, jer podržava aktivnosti usmjerene na postizanje ciljeva ublažavanja klimatskih promjena. Udio je određen u skladu s metodologijom za utvrđivanje zelenog finansiranja EBRD investicija.

Tehnička saradnja

Nema predviđenih aktivnosti.

Kontakt podaci kompanije

Emira Cehajic

emira.cehajic@raiffeisengroup.ba

+387 33 287 764

<https://www.raiffeisenbank.ba>

Zmaja od Bosne bb 71000 Sarajevo Bosnia and Herzegovina

Razumijevanje tranzicije

Dalje informacije u vezi s pristupom EBRD-a mjerenju tranzicijskog učinka dostupne su [ovdje](#).

Poslovne mogućnosti

Za poslovne mogućnosti ili nabavku, molimo kontaktirajte preduzeće koje je klijent.

Za poslovne mogućnosti sa EBRD-om (koje nisu vezane za nabavku), molimo kontaktirajte:

Tel.: +44 20 7338 7168

E-pošta: projectenquiries@ebrd.com

Za projekte u državnom sektoru, molimo kontaktirajte EBRD Nabavke:

Tel.: +44 20 7338 6794

E-pošta: procurement@ebrd.com

Opći upiti

Konkretni upiti mogu se postaviti putem [Obrasca EBRD-a za upite](#).

Okolišna i socijalna politika (ESP)

[Okolišna i socijalna politika](#) i s njom vezani Provedbeni zahtjevi utvrđuju način na koji EBRD izvršava svoju obavezu promoviranja „okolišno zdravog i održivog razvoja“. Okolišna i socijalna politika i Provedbeni zahtjevi uključuju konkretne odredbe u skladu s kojima klijenti trebaju ispunjavati važeće odredbe domaćeg zakonodavstva u oblasti javnog informiranja i konsultacija, te uspostaviti mehanizam za ulaganje pritužbi s ciljem prijema i lakšeg rješavanja spornih pitanja i pritužbi zainteresiranih strana, a posebno onih koji se odnose na okolišni i socijalni aspekt učinka klijenta i projekta. Srazmjerno prirodi i obimu rizika i učinaka koje projekt može imati u oblasti socijalnih odnosa i zaštite okoliša, EBRD dodatno zahtijeva od svojih klijenata da, po potrebi, objavljuju informacije o rizicima i učinku koji proistječu iz projekata ili da provedu konstruktivne konsultacije sa zainteresiranim stranama, razmotre povratne informacije koje pritom dobiju i odgovore na njih.

Više informacija o praksi EBRD-a s tim u vezi navedeno je u [Okolišnoj i socijalnoj politici](#).

Integritet i usklađenost

Ured Glavnog službenika za usklađenost u EBRD-u (OCCO) promovira dobro upravljanje i osigurava primjenu najviših standarda integriteta u svim aktivnostima Banke u skladu s najboljom međunarodnom praksom. Dubinska analiza integriteta svih klijenata Banke provodi se s ciljem osiguranja da projekti ne predstavljaju neprihvatljiv rizik po integritet ili ugled Banke. Banka smatra kako je otkrivanje i rješavanje spornih pitanja u stadiju procjene i odobrenja projekta najefikasniji način na koji se može osigurati integritet transakcija Banke.

Ured Glavnog službenika za usklađenost ima ključnu ulogu u ovim zaštitnim mjerama, ali i pomaže u praćenju rizika po integritet u projektima poslije ulaganja. PUBLIC Ured Glavnog službenika za usklađenost također je odgovoran za provođenje istrage u slučajevima navodne prijevare, korupcije i propusta u projektima finansiranim sredstvima EBRD-a. Svaka osoba, bilo da djeluje unutar ili izvan Banke, koja sumnja u postojanje prijevare ili korupcije, treba podnijeti pismenu

prijavu Glavnom službeniku za usklađenost putem e-pošte na adresu compliance@ebrd.com. Ured Glavnog službenika za usklađenost obrađuje sve prijave s ciljem praćenja daljeg razvoja događaja. Razmatraju se sve prijave, uključujući i one koje su podnesene anonimno. Prijave mogu biti podnesene na bilo kojem jeziku Banke ili jeziku zemlje u kojoj Banka posluje. Sve informacije moraju biti podnesene u dobroj namjeri.

Politika pristupa informacijama (AIP)

Od stupanja na snagu 01. 01. 2020. godine, Politika pristupa informacijama utvrđuje način na koji EBRD objavljuje informacije i obavlja konsultacije sa zainteresiranim stranama s ciljem promoviranja bolje informiranosti i razumijevanja strategija, politika i operacija EBRD-a. Za informacije o tome koji su podaci dostupni na internet stranici EBRD-a, molimo posjetite stranicu [Politika pristupa informacijama](#).

Posebni zahtjevi za informacijama mogu se podnijeti putem [Obrasca EBRD-a za upite](#).

Nezavisni mehanizam odgovornosti u realizaciji projekata (IPAM)

Ukoliko pokušaji da se socijalna, pitanja koja se odnose na zaštitu okoliša ili objavljivanje informacija riješe s klijentom ili Bankom ne uspiju (npr. putem mehanizma za rješavanje sporova s klijentima na nivou Projekta ili u direktnom kontaktu s upravom Banke), pojedinci i organizacije mogu tražiti rješenje spornih pitanja putem EBRD-ovog Nezavisnog mehanizma odgovornosti u realizaciji projekata (IPAM).

Nezavisni mehanizam odgovornosti u realizaciji projekata provodi nezavisno ispitivanje pitanja vezanih za Projekt za koja se smatra da su prouzrokovala (ili postoji vjerovatnoća da će prouzrokovati) štetu. Svrha Mehanizma jeste: podržati dijalog između zainteresiranih strana u projektu s ciljem rješavanja socijalnih, problema koji se odnose na zaštitu okoliša i objavljivanje informacija; utvrditi je li postupanje Banke bilo u skladu s njenom [Okolišnom](#) i socijalnom politikom ili konkretnim odredbama njene [Politike pristupa informacijama](#) koje se odnose na Projekt; te, po potrebi, otkloniti sve postojeće neusklađenosti s navedenim politikama, istovremeno sprečavajući neusklađenost u postupanju Banke u budućnosti.

Za informacije o tome kako podnijeti zahtjev za razmatranje putem našeg [povjerljivog e-obrasca](#), [e-pošte](#), [pošte ili telefona](#) molimo posjetite internet stranicu Nezavisnog mehanizma odgovornosti u PUBLIC realizaciji projekata. Nezavisni mehanizam odgovornosti u realizaciji projekata stoji Vam na raspolaganju za razgovor o spornim pitanjima i odgovore na pitanja koja imate u vezi s podnošenjem zahtjeva ili njihovom obradom, a koji su u skladu s Politikom odgovornosti u realizaciji projekata i Smjernicama. Identitet podnositelja zahtjeva može, na njegov zahtjev, ostati zaštićen.